

## JAKINTSUA BATEN UTS EGIÑA

---

Juan Jose  
Sarasolak  
jarriak

---

1

Fernando Amezketarra  
eta emastia  
bein batez gertatu zan  
aldrebestia  
anima salbodala  
astua bestia  
ark ere baliteke  
zerbai xinistia  
gurutze tristia  
gaizki ekustia  
geroko nastia  
nola dan kostia  
gauza zelebria da  
erakustia

2

Deskuidatu zanian  
Fernando Amezketan  
besperako zurrutak  
zeukan kesketan  
ez ibilli ez balitz  
arfzantzan bestetan  
feriya maiz juatentzan  
noizik bein festetan  
askoren ustetan  
abilla gaztetan  
sartzera espetan  
seitatik bostetan  
andriak irabazi  
ziyon izketan

3

Dotore jartzen zuen  
periko laguna  
pasta bizkarrian da  
guretze duna  
iñoiz Alegrira ta  
Tolosara juana  
sorgiñ bildurrik gabe  
ibilli zaiguna  
naiz izan illuna  
jai biyaramona  
giyatzalle ona  
ganaru biguna  
polita zan arekin  
egin ziguna.

4

Deskuido utzi zuan  
lotuta feriyen  
bueltan akordatu zan  
bire erdiyan  
buruari ats egiñez  
bere arrabiyen  
taberna edo ostatu  
baten ateriyen  
aren memoriyan  
falta ugariyan  
geitxo erariyan  
ala ziruriyan  
orduak etzebillen  
Txorakeriyan.

5

Tabernako gizonak  
zer dezu Fernando?  
galdetu ziyonian  
etzegon ondo  
gaur astuaren faltan  
Bildur naiz lenengo  
andriak ote diran  
erritan emango  
amar ondorengo  
badauzkat urrengo  
oraingo eta lengo  
enaiz lasai juango  
zerbait aitzaki biar  
ez banau juango

6

Lagun baten aitzaki  
egin zayozu ala  
txal bat eramateko  
emana dala  
Iñoiz baserritarrak  
beartzen dirala  
orra tabernariyak  
konsejo formala  
farrez daguala  
gaita iguala  
orain beriala  
ezin leikiala  
biyar goizian billa  
joango zerala.

7

Buru txarrekin juan zan  
 biyamon goizian  
 lotu zuen lekura  
 bire luzian  
 norbai askatuta  
 orduko etxian  
 emaztia gordia  
 ekullo atzian  
 gero arratzian  
 Itzketaratzian  
 pena biyotzian  
 noizik bakoitzian  
 senarraren tranpiya  
 ezagutzian.

8

Emaztiak ziyola  
 zerbaitik igarri  
 errezelo txarrian  
 Fernando jarri  
 alare prestatua  
 sumatu du sarri  
 beyak ostikuenbat  
 diyola esarri  
 asto gaxuari  
 esandiyot arri  
 nola zegon larri  
 ezin zan etorri  
 beiratzen ziran baño  
 ez det ekarri.

9

Gezurra deskubritu  
 zanian ortikan  
 aguria galdu zan  
 izketatikan  
 billatu zuenian  
 senarra faltikan  
 emakumia trebe  
 bere gramatikan  
 sukalde aldetikan  
 andria platikan  
 astuak betikan  
 bere txokotikan  
 pregoya bota ziyon  
 ukullotikan

10

Orduko desaidia  
 emaztia gandik  
 etxion'tan bi asto  
 nola ditut nik  
 lau anakua orri  
 emateko penik  
 ez det uste gaxuak  
 kulparik daukanik  
 izketako lanik  
 jarri gabetanik  
 egiteko fortunik  
 ez dugu planta onik  
 uste nuen ziñala  
 beste aitonik.

11

Emazte Mari Joxepak  
 tratu du astotzat  
 familiyako aita  
 trapo goixtotzat  
 zenbait estudiantek  
 zeukan ministrotzat  
 eskolarik gabia  
 persona listotzat  
 andriak gizontzat  
 badira askontzat  
 deskuido danantzat  
 aitortzen dunantzat  
 orra bertso berriyak  
 noiz gauden ontzat

12

Amabi bertso berri  
 obek dira danak  
 Sarasolaren buruz  
 jarri diranak  
 sasoi degun artian  
 jasotzeko famak  
 seme diferentiak  
 asi gaitu amak  
 gero ere lanak  
 pobriak geranak  
 sartzera baldanak  
 gaude antz emanak  
 uts egin auxe zuen  
 Fernando zanak.



## **IRITZI ARTIKULOAK**

- \* Oporraldia dela eta badirudi Lezon ez dagoela arazorik. "Hala bedi" Bego horrela urte luzez.
- \* Al parecer, como estamos en época de vacaciones, no hay problemas en Lezo. "Que sigamos así mucho tiempo".

## **OHARRA**

Eritzi artikuloetan argitaratu behar duen idazlan orok idazlearen izen-abizenak eta N.A.N. zenbakia igorri beharko dizkigu.

Todo aquel que quiera ver publicado su artículo de opinión deberá facilitarnos nombre y apellidos junto con el número del D.N.I:

